



Fernand ETGEN  
Président vun der  
Deputéiertechamber  
19, um Krautmaart  
L-1728 Lëtzebuerg

Lëtzebuerg, den 07/07/2020

**Här President,**

**Sou wéi den Artikel 83 vun eisem Chambersreglement et virgesäit, bieden ech Iech, dës parlamentaresch Fro un d'Ministère fir Sozialversécherung & Gesondheet weiderzeleeden.**

Duerch de Confinement gouf am Kader vun de Sécherheitsmesure géint d'Covid-19-Pandemie d'Telemedezin staark ausgebaut. Op ee Coup huet d'CNS et méiglech gemaach, datt Patienten an d'Medezinner iwwer Telefon oder Video hier Consultatiounen konnten ofhalen. Assuréeën, déi wéint engem Krankheetsfall net konnte schaffe goen, kruten doduerch hire Certificat d'incapacité de Travail direkt iwwert een automatesche Mail vun der Plattform eSanté zougéckelt.

Direkt e puer Persounen hu mech drop opmierksam gemaach, datt am PDF-Unhang am Mail och de "Code Diagnostic" vum Certificat ze gesi war an am Mail kee weideren Exemplar ugehaange war, wou de Code Diagnostic fir de Patron onsiichtbar war. De Secret médical téscht Patient an Doktor ass an dësem Fall net respektéiert, well de Patron mam Code Diagnostic kann erausfannen, wéi eng Krankheet säin Employé huet.

An deem Zesammenhang wéilt ech de Ministeren dës Froe stellen:

1. Kënnen d'Ministère confirméieren, datt de Code Diagnostic bei deenen automatesch erstalltenen Dokumenter ëmmer um PDF ze gesi war?
2. Ass oder war fir d'Ministeren dës Praxis konform mam Secret médical?
3. Gouf dës Faille behewen a falls jo, wéini?



[www.piraten.lu](http://www.piraten.lu)

Mat déiwem Respekt,

A handwritten signature in black ink, consisting of a large, stylized 'C' followed by a horizontal line and a vertical stroke, resembling the letters 'C' and 'E'.

CLEMENT Sven  
Député



[www.piraten.lu](http://www.piraten.lu)